

Morning Regional Dogri News Bulletin, 26 June 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- उपराज्यपाल मनोज सिन्हा होरें बालटाल दा दौरा लाया ते उत्थे औंदी अमरनाथें दी जातरा गितै त्यारिएं दा जायजा लैता।
- 2- जम्मू दे डिविजनल कमिशनर रमेश कुमार ते ए.डी.जी.पी आनंद जैन होरें जम्मू च यात्री निवास भगवती नगर, यात्री धाम ते रेलवे स्टेशन दा दौरा लाइए यात्रा दी तैयारिएं दा मुआयना कीता।
- 3- मुख सचिव अटल डुल्लू होरें जम्मू-कश्मीर च नमें आपराधिक कन्नें दी अमल आवरी गितै त्यारिएं दी समीक्षा कीती।
- 4 18मीं लोकसभा दे स्पीकर लेई चुनां अज्ज, ओमर बिरला एनडीए दे ते के. सुरेश आई.एन.डी.आई गठबंधन दे मेदवार।

<><><><><><>

LG-Sinha

जम्मू-कश्मीर च कल उपराज्यपाल मनोज सिन्हा होरें बालटाल च श्री अमरनाथ जी जातरा आभार शिविर दा दौरा लाया ते इस म्हीने दी 29 तरीक गी शुरू होने आहली पवित्र तीर्थ जातरा दे इंतजाम दी समीक्षा कीती। उनें प्रशासन SASB, पुलस, सुराक्षाबलें ते होरनें हितधारक मैहकमे

दे बड्डे अफसरें गी बेहतर सुरक्षा ते यात्रा प्रबंधन लेई इक दुए कन्नै तालमेल बनाने दे हुकम दिते। श्री सिन्हा होरें प्रशासन, श्री अमरनाथ जी श्राइन बोर्ड, सेहत विभाग ते आपदा प्रबंधन आलिंगं टीमें आस्सेआ कीते गदे बंदोबस्तें दी बी समीक्षा कीती। एलजी होरें यात्रिणं दे रौहने-बौहने, खाने-पीने, संपर्क, ट्रांसपोर्ट, बिजली, पानी, सप्लाई, साफ-सफाई, आर.एफ.आई.डी काउंटर, सेहत, दवाइए, आक्सीजन, पार्किंग दूर-संचार, हैलीकाप्टर सेवाएं ते सेवां प्रदान करने आलें दे पंजीकरण वगैरा दा बी तफसीली जायजा लैता। उनें अधिकारिणं गी निर्देश दिता जे ओह बाबा बर्फानी दे दर्शनें लेई औने आले श्रद्धालुएं गी बेहतरीन सेवां उपलब्ध करोआना यकीनी बनान।

<><><><><><>

DivCom-Jammu

जम्मू दे डिविजनल कमिशनर रमेश कुमार ते अतिरिक्त पुलस महानिदेशक आनंद जैन होरें कल प्रशासन आस्सेआ औंदी श्री अमरनाथ जी दी जातरा गितै कीती गेदिणं तैयारिणं ते बंदोबस्तें दा निरीक्षण कीता। डिविजनल कमिशनर ते ए.डी.जी.पी होरें जम्मू दे भगवती नगर स्थित यात्री निवास दा दौरा लाया ते सरबंधित विभाग, अध्यक्षें ते नोडल अफसरें दी बैठक दी अध्यक्षता कीती। उनें इस आधार शिविर च कीती जा'रदिणं तयारिणं दा तफसीली मुआयना कीता। इस मौके उनें निर्देश जारी कीता जे यात्री निवास च उपलब्ध सेवाएं सुविधाएं च कुसै चाल्ली दी कोई कमी, खामी या त्रुटी नेई रौहनी लोडचदी तां जे उत्थे पुज्जने ते ठैहरने आले श्रद्धालुएं गी यात्रा करने कुसै चाल्ली दी दिक्कत परेशान पेई नेई आवै। उनें आखेआ जे जरूरी सेवां सरबंधी सब्बनें मैहकमें दे प्रतिनिधि 24 घैंटं दिन रात उपलब्ध होने लोडचदे। इस दौरान जम्मू दे ए.आर.टी.ओ होरें गी आखेआ गेआ जे प्राइवेट टैक्सिणं, आओ श्री वीलर, अगैरा दे कराएं-भाड़ें दे

रेड प्रमुख थाहरें पर सामने लिखे गेदे होने लोड़चदे तां जे कोई बी यात्रिं कन्ने ठगी नेई करी सके। मगरा डिव-काम ते ए.डी.जी.पी होरें रेलवे स्टेशन ते यात्री धामें दा बी दौरा लाया।

<><><><><><>

Security-Health-Yatra

सेहत ते मेडिकल शिक्षा मैहकमे दे सचिव डॉ. सैयद आबिद रशीद शाह होरें कल कश्मीर प्रांतै दे सेहत सेवाएं सरबंधी निदेशक, सेहत अधिकारिं ते बालटाल ते पैहलगाम इलाकें दे सरबंधित अधिकारिं दे इलावा कन्ने लगदे जिलें दे सेहत प्रशासन दी इक बैठक सददी। बैठका च सचिव होरें औंदी अमरनाथें दी जातरा दी पछौक्कड़ै च कीती जा'रदिं सेहत सेवाएं सरबंधी त्यारिं दी समीक्षा कीती। ऐकती एह सलाना यात्रा 29 जून गी यात्रा दे दौनें रस्तेयां शुरू होआ करदी ऐ। उनें सरबंधित सब्बनें अफसरें गी निर्देश दिता जे ओह दोआइएं, उपकरणें ते होर दुए लोड़चदे साज-समेयान दी पक्की बवस्था करी लैन। उनें आखेआ जे दोआइयां, उपकरण ते प्राथमिक चिकित्सा दी बवस्था जातरा दे दौनें रस्ते पर बनी दी रवै ते समेयान दोआइएं दी दस्तयाबी दा ब्यौरा रोजै दे रोज सांझा कीता जा।

<><><><><><>

Dry Run Yatra

इस म्हीने दी 29 तरीक कोला शुरू होआ रदी श्री अमरनाथ जी दी जातरा गितै त्यारिं, सुविधाएं ते सुरक्षा उपाएं दा मुआयना करने लेई अज्ज बड्डलै उधमपुर च इक 'ड्राय रन भेयास' कीता गेआ। इस बारे जानकारी देआ रदे स्हाड़े जिला संवाददाता अचिन दुबे।

<><><><><><>

Chief-Secy.

मुख्य सचिव अटल डुल्लु होरें कल सब्बनें सरबंधत धड़ें दी इक बैठक लाइयै इस बरे पैहली जुलाई थमां लागू होआ करदे नमें आपराधिक कनूनें दी जम्मू-कश्मीर च अमलावरी सरबंधी तैयारिएं दा जायजा लैता। जम्मू-कश्मीर पुलसा दे डरैक्टर जनरल गृह विभाग दे प्रधान सचिव, जेलें सरबंधी विभाग दे डरैक्टर जनरल ते होरनें बी आला अफसरें इस बैठका च शिरकत कीती। डुल्लु होरें इनें कनूनें गी अज्जै-कल्लै दिएं जरूरतें मताबक बड़े असरदार कनून करार दिता ते आखेआ जे इंदे च टेक्नोलाजी ते दक्षता मती बेहतर भूमिका निभाडन। मुख्य सचिव होरें बक्ख-बक्ख संगठनें च सरबंधत अमले दे समर्थ निर्माण ते सिखलाई सरबंधी कम्में दी बी समीक्षा कीती। उनें आखेआ जे प्रदेश च इनें कनूनें गी असरदार ढंग्गै सिर लागू करोआना सब्बनें सरबंधत धड़ें दा सांझा लक्ष्य होना लोडचदा ऐ।

<><><><><><>

DGP-Swain

जम्मू-कश्मीर पुलसा दे डरैक्टर जनरल आर.आर स्वैन होरें पैहली जुलाई थमां लागू होआ करदे नमें आपराधिक कनूनें-तीन नाए फौजदारी कवानीन ते इंदे बक्ख-बक्ख प्रावधानें बारै उर्दू च इक कताब जारी कीती। इस कताब च नमें लागू होने आले कनूनें-भारतीय न्याय संहिता, भारती नागरिक सुरक्षा संहिता ते भारती साक्ष्य अधिनियम आस्सेआ आंदे जाने आले महत्वपूर्ण बदलावें दा उर्दू अनुवाद कीता गेदा ऐ। एह नमें आपराधिक कनून IPC, CRPC ते Indian Evidence Act दी थाहर लेई लैंगन। कमेटी आस्सेआ कीते गेदे इनें जत्नें दी सराहना करदे होई डीजीपी होरें इनें कनूनें गी उर्दू ते हिंदी च समझने दे महत्वै पर लो पाई।

<><><><><><>

Speaker-Lok Sabha

18मीं लोकसभा लेई स्पीकर अज्ज चुनेआ जाग। सीनियर बीजेपी सांसद ओम बिरला जेडे पिच्छली लोकसभा च बी बतौर स्पीकर हे, होरें गी एनडीए नै इस ओहदे लेई नामजद कीता ऐ। ओम बिरला होरें कल संसद भवन च प्रधानमंत्री नरेंद्र मोदी हुंदे नै बी मुलाकात कीती। दुई बक्खी विपक्षी आई.एन.डी.आई गठबंधन नै कांग्रेस दे सांसद के. सुरेश होरें गी इस ओहदे लेई खड़ा कीता ऐ। इस ओहदे दे चुनां लेई दौनें मेदवारें कल अपना नामांकन भरेआ हा जेदे लेई अज्ज चुनां होना तय ऐ।

<><><><><><>

NEET-Exam

नीट-2024 म्तेयान घोटाले दे इक होर आरोपी गी तातुल पुलसै गिरफ्तार करी लैता ऐ। आरोपी दा नां संजय यादव ऐ। अज्जै तगर चारें चा दऊं आरोपियें गी हिरासत च लैता गेदा ऐ। चऊं लोकें खिलाफ शिवाजी नगर पुलस स्टेशन च मामला दर्ज ऐ। जलील खान पठान जेड़ा लातुल परिषद स्कूल च इक टीचर ऐ, गी 23 जून गी गिरफ्तार कीता गेआ हा। आरोपी संजय यादव ते जलील खान पठान दे मोबाइल च नीट म्तेयान च बौहने आहले 12 विद्यार्थियें दे म्तेहान सरबंधी एडमिट कार्ड पाए गए ना। इस हिसाब कन्नै नम्बर बधाने लेई विद्यार्थियें ते उंदे माता-पिता थमां लक्खां रुपें दी मंग करदे हे। शुरुआती जांच च पता लग्गा ऐ जे धारा शिव जिले दे ओमेर्गा दे एरन्ना कोंगूलवार ते दिल्ली दे गंगाधर दे रौहने आले आरोपियें दी मदद करदे हे।

उआं आरुपी संजय जाधव गी कल अदालत च पेश कीता गेआ हा ते उसगी 2 जुलाई तगर पुलस हिरासत च भेजी दिता गेआ ऐ।

<><><><><><>

DDC-Reasi

रियासी दे जिला विकास कमिशनर विशेष महाजन होंरें दिल्ली-अमृतसर-कटड़ा एक्सप्रेस-वे पर जारी कम्में दा कल तफसीली जायजा लैता। इस परियोजना च आवैं करदी रूकावटें गी दूर करने लेई केई ढांचें गी मौकें पर गै हटाया बी गेआ ऐ। विशेष महाजन होंरें निर्माण कम्मैं च तेजी आहनने ते म्यार दे उच्चे मानकें गी बरकरार रक्खने दी जरूरतें पर बी जोर पाया। आपर दोमेल थमां लेइयें कटड़ा तगर दे हिस्से गी सबूरा करने ते चालू करने लेई 31 अगस्त दी समें-सीमा मुकरर कीती गई ऐ। जिला विकास कमिशनर होंरें यकीन दोआया ऐ जे जिला प्रशासन रियासी सब्बनं चुनौतिएं शा पार पाने ते परियोजना गी बेल्ले सिर सबूरा करने लेई लगातार निगरानी गितै बचनं बज्जे दा ऐ।

<><><><><><>

Dr. Jatinder Singh

केंद्री मंत्री डॉ. जितेंद्र सिंह होंरें विश्वास जाहिर कीता ऐ जे भारत दी परमाणु उर्जा पैदावार समर्थन अगले 5एं बरें च तकरीबन 70 फीसदी तगर बदी जाग। एह गल्ल उनें कल नमीं दिल्ली च ऐटमी उर्जा सरबंधी मैहकमें दी 100 दिनें दी कार्ययोजना दा जायजा लैने लेई सद्दी गेदी इक उच्च सतह दी बैठक दी प्रधानता करदे होई आखी। डॉ. सिंह होंरें उर्जा सरबंधी खेतरे च भारत आस्सेआ परमाणु उर्जा ते नवीकरणीय उर्जा च हासल प्रगति पर बी लो पाई।